

55

La PURTINĂRA



PAROLE e MUSICA
di CARLO MUSI

EDIZIONI BONGIOVANNI BOLOGNA

La Purtinâra

(55)

L'è una vâga cundiziòn
quèlla d'far la purtinâra
tgnir star sèimpr'in sudiziòn
senter sèimper dla gattâra;
tùtt el nòj ch'fa j'anquillein
dsni l'our, ch'an s'ha memoria
pr'imbassâ, pr'i biglittein
tott'èl dè sèimper st'a storia!

E se, ch'an fazz brisa per dir, mo an stagh mai
fèirma un minut! Tott al dè innanz indri da ün e da
ql'alter, ch'im fan d'vintar matta! Di uriginal d'zèint
che me a n'ho mai vest! I miur j'èin i padron; la
sgnoura l'è una piâga per la pulizi che tutt'èl dè bisu-
gnarev avèir la granà in man; èl padron anca l'è al
vol ch'ai sgura sèimpr'al pumein dal rastèll perchè al
n'è mai abbastanza lüster...

Per furtòuna ch'a sòn onna
ch'an me pias ed far la pttèigvla
a rispètt per star in rèigvla
e sa båd sòul ai fatt mì!

Què sò d'souвра in t'i mzzanein
ai sta un zert commissionari
in candèil e sulfanein
ch'l'ha un cunsomm straordinari;
mo siccomm l'è sèimper vè
se qualche d'on vein a zercarel
sò mujer la-j' pèinsa lì
per servirl' e cuntintarel!

A s'vèdd però ch'l'ha da esser pratica d'cumerzi
perchè ai vein piò avvintur quand l'è da per lì che
quand l'è a Bulogna l'è! Anè zò quasi mai perchè al
gira tutta l'Italia. Da una part fein in Ancòuna e po
al traversa sèimper drett fein a Piasèinza! Mo lì la j'ha
una data per far i su interess che bisogna vèdder! Ai
n'è zertùn che pr'al gùst ed fars servir da lì i veinen
dòu o trèi volt al dè!

Per furtòuna ch'a sòn onna ecc.

Al premm pian sò da trèi scal
ai sta dòu ch'èin madr' e fiòla
onna è mèstra d'viulunzèll
ql'altra sòuna la mandòla.
Quèll ch's'pol dir sinzeramèint,
di sculâr i n'han magari
e la fiòla spezialmèint
l'acgnùss bèin anch la chitara!

L'unich difètt ch'el-j'han, tutt dòu, ch'an s'pol
mai senter un po' d'musica discreta! La mamà l'an sa
sunar alter che l'aria dla *Castadiva* in tla *Norma* e la
fiòla quand la da leziòn as'seint sèimper qua mnèstra:
Vorrei baciarti i tuoi capelli neri ch'l'è piò vèccia ch'n'è
l'è cùcc! I scular in san far alter che del scal... pr'andar
innanz indri, in mod che tutt al dè l'è un inferen!

Per furtòuna ch'a sòn onna ecc.

L'arluijr ch'sta so'l terz pian
al vrev èssr' un brav artesta,
mo puvrazz l'è un gran bacc' lòn
ch'al n'è bôn che d'far la lesta!
Què ch'es fan servir da l'ò
si han bisògn dlà pulidura
stâ pur zert ch'in t'ournen piò,
ch'al va pers roba e fattura!

J'è mai dúbbi, a sfid me al s'è tolt d'in America
ch'al fâva èl lantarnâr! E po a v'dirò in cunfdèinza
ch'l'avò del lit seri con i avvintur per di arlòj d'or
ch'al purtava in t'al *Mont* invez d'ajustâri! L'ha una
massa d'cà d'sgnouri ch'al va a tirari sò i arlòj mo
chissà euss'al s'i fazza? Tott i mumeint j'èin què a
ciamarel perchè in polen savèir ch'our'è!

Per furtòuna ch'a sòn onna
ch'an me pias ed far la pttèigvla
a rispètt per star in reigvla
e sa båd sòul ai fatt mì!

Quèlla ch'sta'vsein al granâr
la fa crèdder ch'l'è una sarta
mo puvreina l'an sa fâr
l'an sa gnanch tajar dla carta!
Quèll però ch'an poss capir
com la possa far la sgnoura,
li la dis ch'l'ha un mròus inzgnir
e che prèst l'aspètta ql'òura!

Sa la vdessi l'è una bèlla figureina simpatica! L'ha
bâie passâ la trinteina mo la pâs sèimper una ragaz-
zeina! E po' com la va in lusso! La dis bèin che i abit
la si fa lì mo al n'è megga vèira! La furnâra què
indrett l'ha una fiòla ch'fa la sarta e l'è lì chi fa
incossa! Ql'inzgniròtt ch'vein tutt i dè an va megga
mâl? quèll ch'è zert — megga per vlèir far del ciaccher —
ch'am par ch'al spènda di bajucchein magari perchè
tutt i mumeint lì la manda a cambiar di bon da
zinquanta!

Per furtòuna ch'a sòn onna ecc.

E pensar che tutt sta zèint
l'our i cmanden a bacchètta
e po quand vein al mumèint
sòul per me j'èin in bullètta!
Sl'è la Pasqua sl'è Nadal
ch'a s'fa i cont d'avèir la manza
i s'e seusen, per dir quâl,
ch'an-j'è brisa piò l'usanza!

Per furtòuna ch'a sòn onna
ch'an me pias ed far la pttèigvla
a rispètt per star in rèigvla
e sa båd sòul ai fatt mì!

LA PURTINÀRA

Canzonetta con parlato

Parole e Musica
di CARLO MUSI

All^{to} grazioso

Canto

Piano

L'è una va-gu cun-di-

- zion quèlla d'far la pur-ti - na-ra tgnir star sèimpr' in su-di - zion sèinter sèimper d'la gat -

- ta - ra tutt el noj ch'fa j'anqui - lein di - sni l'our ch'ans'ha me - mo - ria pr'imbas - sa, pr'i bi-glit -

l'èin tutt al dè sèim-per s'ta storia! Per fur - touna ch'a sòn on-nachan me

pias ed far la pttèigvlaa ri - spètt per star in rèigvla e sa bàl sòul ai fatt mi!

Mod^{to}

ÈL MI CANZUNÈTT

parole e musica di CARLO MUSI

PRIMA SERIE

1. Trèi Mnèster!
2. La Zeinta daziària.
3. Dottrina in musica.
4. La Muntura di impiegà dla Posta.
5. I Zever.
6. I Zalett.
7. ... e sò pàder li manda a dir...
8. Ciaccher e Narzisât.
9. Pr' un Lavativ!
10. L' a-j passarà!
11. Tà-tà!
12. Dreyfus!
13. La Quadreglia.
14. Con un occ'...
15. El Gnaccher!
16. Èl Barbir e la Tóca!
17. Da ql' altra part!
18. Sussezza, Cudghein e Zampon.
19. Piròn èl furnar.
20. Very smart!
21. Che bèll nas!
22. Èl San Michel, la Cà e la ráta d' affett!
23. Dirâla d' sé?
24. La Tassa soùvra ai tlon!
25. Oh! che miraquel!
26. Un' avventura a Vegliòn!
27. Èl Fiaccaresta.
28. Una bona medseina.
29. Chiudi!!
30. Dein, dan, don.
31. L' era Fasol!
32. Sulfanein e lùster!
33. Èl Mònd l' è fatt acsé!
34. Èl Méster Squass!
35. Do, Re, Mi, Fa, Sol.
36. Mo che Pickmann?!
37. Oh! ch' al scusa!
38. L' accademia de « la Lira ».
39. L' Acquedott.
40. La Scuffiareina.
41. Oh! che zuccâ.
42. La Pison!
43. Al turnarà!
44. Corylopsis!
45. La mi premma mròusa!
46. Pst! pst! pst!...
47. Canzunétta dl' Espusiziòn.
48. La scheccia Angot!
49. Dai dal gess!
50. Canzunétta pruibè.

SECONDA SERIE

51. La « Sonambula ».
52. Tripoli sè, Tripoli nò.
53. Èl Tango.
54. A s' fa Zinquantanov!
55. La Purtinâra.
56. Turnand indrì da Paderen!
57. Èl redder.
58. Èl Lonedè di Barbir.
59. Èl mi Rittratt.
60. Èl Genasi.
61. Èl Cinematogrof.
62. Avrir e assrâr.
63. San Martein.
64. La Muntagnola.
65. Èl Caranvâl.
66. Èl Vagabònd.
67. Èl dóu Tórr dla Mercanzi
Artenisi e Riccadonna.

PATURLLI G. - I bj Temp d' la purtinâra
scena comico musicale

EDIZIONI BONGIOVANNI - BOLOGNA